

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
OPĆINSKI SUD U TRAVNIKU
Broj:51 0 Su 166329 19 Su
Travnik ,04.05.2020.godine

Na osnovu čl.31. Zakona o sudovima u Federaciji Bosne i Hercegovine(„Službene novine FBiH br. 38/05, 22/06, 63/10, 72/10, 7/13 i 52/14“) i člana 8. tačka z.) Pravilnika o unutrašnjem sudskom poslovanju („Službeni glasnik“BiH, broj 66/12;40/14; 54/17;60/17 i 30/18) i Odluke VSTV BIH , o organizaciji rada u sudovima i tužilaštvima u Bosni i Hercegovini,broj:08-02-2-1010-55/2020 od 30.04.2020. , predsjednik Općinskog suda u Travniku d o n o s i:

PLAN
liberalizacije mjera za rad Općinskog suda u Travniku

I

Općinski sud u Travniku, shodno Odluci o organizaciji rada u sudovima i tužilaštvima u Bosni i Hercegovini,broj:08-02-2-1010-55/2020 od 30.04.2020,koju je donijelo VSTV BIH,raditi će,shodno Planu kojim su liberalizirane dosadašnje mjere o ograničenom radu,na način kako slijedi

II

Od 11.05.2020.godine organizira se rad u svim administrativnim službama na način da se u uredima koriste sva zaštitna i dezinfekciona sredstva i uspostavljanje propisane distance,uz već postavljene zaštitne pregrade od plexiglasa (prijemna kancelarija,prekršajna prijemna i prijemna kancelarija ZK ureda,kao i u odjelenju registra).

III

Od 11.05.2020.godine proširuje se broj sudaca na krivičnom i prekršajnom referatu,gdje pored jednog dežurnog suca na ovim referatima, redovne poslove obavlja po jedan sudac na krivičnom referatu sa postupajućim daktilografom, kao i prekršajni sudac,također se proširuje broj sudaca na građanskom referatu ,na način da se uključuju i ostali referati koji pripadaju građanskom referatu,kao što su privredni, izvršni, vanparnični i odjeljenje registra suda.

IV

Od 11.05.2020.godine nastavlja se rad na Projektima (uspostava nekretnina pri ZK uredu i indexacija pri Odjeljenju registra),i to sa reduciranim brojem asistenata, čiji broj će se povećati shodno cjelokupnoj epidemiološkoj situaciji.U radu asitenata obavezno se primjenjuju mjere zaštite i fizičke distance.

V

Stranke se u sud primaju u periodu od 09-12 sati, i to pod istim mjerama zaštite, a to su obavezno nošenje zaštitnih maski i rukavica, kao i korištenje dezinfekcionog sredstva na ulasku u zgradu suda,kao i korištenje dezobarijere.

Obavezno je držanje distance prilikom dolaska pred portirnicu suda.

VI

Obavezno je svaki treći dan korištenje dezinfekcionog sredstva u hodnicima zgrade suda koje se koristi putem profesionalnog raspršivača,a higijeničarke **pojačano** koriste hemijska sredstva prilikom brisanja hodnika i podova u uredima,kao i u toaletima.

VII

U svim uredima se postavljaju također dezinfekciona sredstva ,koja se obavezno koriste za dezinfekciju radnih stolova,kvaka na ulaznim vratima ,tastatura i slično,uz obavezno provjetranje ureda.

Svi uposlenici su obavezni da tokom radnog dana nose zaštitne maske i rukavice.

VIII

I dalje ostaje na snazi mjera zabrane grupisanja u uredima ,a sudac, stručni saradnik i postupajući daktilograf imaju propisanu distancu.

Pored zabrane grupisanja u uredima, zabranjuje se i komunikacija između sudskih odjeljenja, izuzev službene komunikacije koja se odvija uz propisanu distancu i uz korištenje svih sredstava zaštite.

IX

Planirana je hitna nabavka bezkontaktnih toplomjera koji će se koristiti na ulazu u zgradu suda.

X

Planirano je održavanje ročišta za početak mjeseca juna, i to u predmetima sporazumnih razvoda, povjere djeteta, krivičnim stvarima sa kaznenim nalogom, priznanjem krivnje i sporazumima, gdje prijete zastara, kao i drugim predmetima u kojima sudac raspolaže materijalnim dokazima, kako se ne bi pozivali svjedoci i kako bi se obavezbio minimalan broj stranaka koje dolaze na ročište.

Suci i stručni saradnici su u obavezi da struktuiraju predmete na način da shodno procjeni zakažu ročišta kako je to naprijed navedeno, te da vrijeme kada nema rasprava iskoriste za pregled ostalih predmeta i ažuriranje predmeta, dopisa, urgencija, produžavanja evidencija, naredbi za otvaranje faza naročito u krivičnim predmetima, i sl.

XI

Nastaviti kontinuirano pratiti odluke nadležnih kriznih štabova i cjelokupnu epidemiološku situaciju, i u skladu sa istim donijeti novi Plan.

XII

Planirano je da se petkom održava sastanak (po potrebi online) sa direktorom nadležne Higijensko-epidemiološke službe SBK/KSB, koji će u skladu sa aktuelnom epidemiološkom situacijom davati preporuke kako bi se mjere zaštite sprovodile na adekvatan način.

XIII

Ovim Planom stavlja se van snage Naredba o organizaciji rada i ograničenom vremenskom prijemu stranaka broj: 51 0 Su 166329 19 Su od 23.03.2020.godine..

DOSTAVLJENO:

-VSTV BIH

-Ministrastvo pravosuđa i uprave SBK/KSB

-Regionalna Advokatska komora ZE-DO

-svim uposlenicima

-a/a

Predsjednik suda
Goran Dujić